

Қазақстандық салалық білім және ғылым қызметкерлері кәсіподағы
Атқару комитетінің 2022 жылғы
22 ақпандағы №15, 10-т. қаулысымен
бекітілді

Қазақстандық салалық білім және ғылым қызметкерлері кәсіподағының ардагерлер Кеңесі туралы ЕРЕЖЕ

1. Жалпы ережелер

1.1. Қазақстандық салалық білім және ғылым қызметкерлері кәсіподағының ардагерлер Кеңесі (әрі қарай-ардагерлер Кеңесі) салалық кәсіподақ қозғалысының ардагерлерімен жұмысты ұйымдастыру, оларға әлеуметтік қолдау көрсету мен қорғау мақсатында Қазақстандық салалық білім және ғылым қызметкерлері кәсіподағының Атқару комитетінің шешімімен құрылады.

1.2. Ардагерлер Кеңесі өз қызметін Қазақстан Республикасының Конституциясына, ҚР «Кәсіподақтар туралы», «Ардагерлер туралы» Заңдарына, басқа да нормативтік құқықтық актілерге, «Қазақстандық салалық білім және ғылым қызметкерлерінің кәсіподағы» ҚБ Жарғысына және осы Ережеге сәйкес жүзеге асырады.

1.3. Ардагерлер Кеңесінің құрамына босатылған сайланбалы қызметкерлер, зейнеткерлікке шыққан Кәсіподақтың Салалық Кеңесі аппаратының және мүшелік ұйымдардың қызметкерлері кіре алады.

2. Ардагерлер Кеңесі қызметінің мақсаттары, міндеттері және бағыттары

2.1 Ардагерлер Кеңесінің негізгі мақсаттары мен міндеттері:

2.1.1. әлеуметтік қорғауға көмек көрсету және кәсіподақ қозғалысы ардагерлеріне әлеуметтік кепілдіктерді қамтамасыз етуге жәрдемдесу;

2.1.2. салалық кәсіподақ қозғалысы ардагерлерін қоғамдық, мәдени-бұқаралық өмірге тарту;

2.1.3. мұқтаж ардагерлерге қайырымдылық көмек ұйымдастыру;

2.1.4. кәсіподақ қозғалысы ардагерлерінің республиканың жастар кәсіподақ активі мен салалық кәсіподақ қозғалысы арасында кәсіподақ жұмысы дәстүрлерінің сабақтастығы, сақтау мен дамыту ісіндегі рөлін арттыру;

2.1.5. мемлекеттік мерекелерге, мерейтойлық және басқа естелік даталарға байланысты ардагерлерге құрмет көрсету.

3. Ардагерлер Кеңесінің құзыреттілігі

3.1. Ардагерлер Кеңесі мақсатқа жету үшін:

3.1.1. Кәсіподақтың Салалық Кеңесіне және мүшелік ұйымдарға кәсіподақ қозғалысы ардагерлерімен жұмыста кәсіподақ қозғалысы ардагерлерінің әлеуметтік-экономикалық мүдделерін қорғау, оларды қоғамдық өмірге тарту жөнінде көмек көрсетеді.

3.1.2. Бастамашылық танытып, еңбек ардагерлерін әлеуметтік қорғауды күшейту және қолдау көрсету мәселелері бойынша Кәсіподақтың басқару органдарына ұсыныстар енгізеді.

3.1.3. Қажет жағдайда Кәсіподақтың Салалық Кеңесінің сенімхаты бойынша мемлекеттік билік органдарында еңбек ардагерлерінің мүдделерін білдіреді.

3.1.4. Кәсіподақ органдары мен мүшелік ұйымдардан Кеңес жұмысы үшін қажетті ақпаратты белгіленген тәртіпте сұратады.

3.1.5. Өз мәжілістеріне, кәсіподақ қозғалысы ардагерлерінің өмірі және қызметімен байланысты мәселелерді талқылау кезінде сайланбалы қызметкерлер қатарынан, Кәсіподақтың алқалы органдарының мүшелерінен мүдделі тұлғаларды шақырады.

3.1.6. Ардагерлердің іс-әрекетіне қатысты мәселелерді талқылау кезінде, Салалық кәсіподақтың ұйымдастырушылық құрылымдар мәжілістеріне қатысу үшін өз өкілдерін жібереді.

3.1.7. Жыл сайынғы мәжілістер мен жоспарланған іс-шараларды өткізуді ұйымдастырады.

3.1.8. Бұқаралық ақпарат құралдарында жергілікті жерлердегі қорғау мен қолдауды күшейту мақсатында, кәсіподақ қозғалысы ардагерлерінің әлеуметтік жағдайының мәселелері бойынша сөз сөйлейді.

3.1.9. Кәсіподақ қозғалысы ардагерлерінің арыздарын, өтініштерін қарайды, қаралатын өтініштер бойынша ұсыныстар дайындайды.

3.1.10. Ардагерлердің әлеуметтік кепілдіктерін қадағалау мәселелері бойынша тегін заңгерлік көмек ұйымдастыруда жәрдемдеседі.

3.1.11. Ардагерлерді белсенді қоғамдық-мәдени қызметке тартуға бағытталған іс-шараларды ұйымдастырады.

3.1.12. Ардагерлермен әр алуан (жаңа) жұмыс түрлерін насихаттап, енгізеді (клуб қызметі, семинарлар, кездесулер, «дөңгелек үстел» және басқалары).

3.1.13. Кеңес қолданыстағы Қазақстан Республикасы заңнамасының және Кәсіподақ Жарғысының аясында өзге де қызметтерді орындап, оған Салалық кәсіподақтың Атқару комитетімен берілетін өкілеттіктерді жүзеге асыра алады.

3.1.14. Ардагерлер Кеңесінің жыл сайынғы жұмыс жоспарын бекітеді.

3.1.15. Ардагерлер Кеңесі жыл сайын Салалық Кәсіподақтың Атқару комитетінің қызметі туралы ақпарат береді.

4. Ардагерлер Кеңесін құру тәртібі

4.1. Ардагерлер Кеңесінің құрамы Кәсіподақтың Салалық Кеңесінен және мүшелік ұйымдардан бір бір өкілден тікелей сайлау тәртібімен құрылады.

4.2. Ұйымдастырушылық қызметті жүзеге асыру, құжаттарды жүргізу, ардагерлер Кеңесінің жұмыс жоспарының және қабылданған шешімдердің уақытында орындалуын бақылау Кәсіподақ Кеңесінің аппаратымен қамтамасыз етіледі.

4.3. Ардагерлер Кеңесі өз жұмысын ардагерлер Кеңесі мүшелерінің ұсыныстары бойынша жасалған жоспар негізінде құрады.

4.4. Ардагерлер Кеңесінің мәжілісі, егер оған мүшелердің кемінде жартысы қатысқан болса, өкілетті болып есептеледі.

4.5. Ардагерлер Кеңесінің мәжілісі қажеттілікке орай, бірақ жылына кемінде 1 рет өткізіліп, хаттамамен ресімделеді.

5. Ардагерлер Кеңесінің төрағасы

5.1. Салалық кәсіподақтың Атқару комитетімен Кеңес мүшелері қатарынан тағайындалады.

5.2. Ардагерлер Кеңесінің жұмысын жалпы басқаруды жүзеге асырады.

5.3. Кәсіподақ Төрағасымен келісім бойынша ардагерлер Кеңесінің мәжілісін шақырады.

5.4. Осы Ереженің, жыл сайынғы жұмыс жоспарының және ардагерлер Кеңесімен қабылданатын шешімдердің орындалуын бақылауды қамтамасыз етеді.

6. Ардагерлер Кеңесін қаржыландыру және жұмысына жәрдемдесу

6.1. Ардагерлер Кеңесінің қызметімен байланысты шығыстарға, шығыстар сметасына сәйкес Кәсіподақтың Салалық Кеңесі жауапты.

6.3. Салалық Кәсіподақтың мүшелік ұйымдарының басшылары жергілікті жерлерде ардагерлер кеңесінің жұмысына жәрдемдеседі, қаражат болған жағдайда олардың іс-шаралар өткізуін қаржыландырады, білім ұйымдарының кәсіподақ қозғалысы ардагерлерін өткізілетін тәрбие, білім беру, ағарту және мерекелік шараларға шақырып, кәсіподақ қозғалысының белсенділеріне моральдық және материалдық сыйақы беру мүмкіндігін қарастырады.